



## PEKELILING RASMI NAIB CANSELOR BIL. 6/2020

### PELANJUTAN PENUTUPAN SEMENTARA UNIVERSITI TUN HUSSEIN ONN MALAYSIA

#### 1.0 TUJUAN

Pekeliling Rasmi Naib Canselor Bil. 6/2020 ini adalah bagi memaklumkan mengenai keputusan **Pelanjutan Penutupan Sementara Universiti Tun Hussein Onn Malaysia (UTHM) sehingga 28 April 2020** iaitu selaras dengan pelanjutan pelaksanaan Perintah Kawalan Pergerakan Fasa 3, mulai 15 April sehingga 28 April 2020, sebagaimana yang telah diumumkan oleh YAB Perdana Menteri Malaysia melalui perutusan khas yang telah dibuat pada 10 April 2020, jam 4.00 petang.

#### 2.0 PELAKSANAAN PENUTUPAN UTHM

- 2.1 Sebagai langkah membendung penularan wabak COVID-19 yang semakin membimbangkan, Kerajaan telah mengumumkan pelanjutan tempoh Perintah Kawalan Pergerakan yang dibuat di bawah Akta Pencegahan dan Pengawalan Penyakit Berjangkit 1988 dan Akta Polis 1967.
- 2.2 Selaras dengan itu, adalah dimaklumkan bahawa **penutupan sementara Universiti Tun Hussein Onn Malaysia meliputi Kampus Induk Parit Raja (termasuk Kampus Bandar) dan Kampus Cawangan Pagoh, serta sebuah pusat latihan iaitu Pusat Minda Emas (PuMAS) yang beroperasi di Tanjung Laboh adalah dilanjutkan sehingga 28 April 2020.**
- 2.3 Penutupan UTHM ini adalah melibatkan penangguhan keseluruhan operasi pentadbiran serta semua aktiviti pelajar dan akademik. Aktiviti Pembelajaran Jarak Jauh (PJJ) secara formal akan bermula pada 19 April 2020 (Ahad) sebagaimana Pekeliling Timbalan Naib Canselor (Akademik & Antarabangsa) Bil. 1/2020.
- 2.4 Sepanjang tempoh pelanjutan ini, semua staf adalah diarahkan untuk tidak memasuki mana-mana premis Universiti **kecuali** staf di dalam perkhidmatan kritikal iaitu Bahagian Keselamatan, Pusat Kesihatan Universiti, Pengetua, Felo dan staf pentadbiran Kolej Kediaman serta mana-mana staf yang diarahkan bertugas oleh Ketua Pusat Tanggungjawab.

- 2.5 Bagi staf yang tidak dikategorikan di dalam perkhidmatan kritikal, staf akan diberikan status **Bekerja Dari Rumah** di mana rekod kehadiran bagi semua staf yang terlibat akan dikemaskini secara automatik oleh Pejabat Pendaftar. Semua staf yang telah diberikan kebenaran ini hendaklah berada dalam keadaan boleh dan sedia untuk dihubungi oleh Ketua Pusat Tanggungjawab masing-masing dalam tempoh waktu bekerja biasa yang ditetapkan.
- 2.6 Bagi memastikan operasi Universiti berjalan dengan baik, Universiti melalui **Surat Pekeliling Pengurusan Bil. 2 Tahun 2020** bertarikh 30 Mac 2020, telah mengeluarkan **Tatacara Pelaksanaan Garis Panduan Bekerja Dari Rumah (Work From Home) Sebagai Langkah Pencegahan Penularan Virus COVID-19 Di UTHM**. SPP 2/2020 ini secara jelasnya telah memperincikan Pusat-Pusat Tanggungjawab mengikut kategori perkhidmatan dan kebenaran yang diberikan untuk hadir ke pejabat melalui surat dan senarai nama yang disahkan oleh Bahagian Governan.
- 2.7 Para pelajar yang terlibat dengan penutupan premis UTHM ini akan dimaklumkan dari semasa ke semasa mengenai sebarang perkembangan terkini yang berkaitan, melalui Pejabat Timbalan Naib Canselor (Akademik dan Antarabangsa) dan Pejabat Timbalan Naib Canselor (Hal Ehwal Pelajar dan Alumni).
- 2.8 Para pelajar yang sedang dikuarantin dan yang sedang berada di Kolej Kediaman serta penempatan di luar kawasan kampus adalah diminta untuk kekal berada di penempatan sedia ada dengan semua aspek kebijakan dan keselamatan dijaga dengan baik oleh pihak Universiti.

### 3.0 TARIKH KUATKUASA

Pekeliling ini adalah berkuatkuasa serta merta dari tarikh ianya dikeluarkan dan adalah tertakluk kepada sebarang pengumuman rasmi oleh pihak Kerajaan daripada semasa ke semasa. Adalah diharapkan agar semua pihak sentiasa mematuhi langkah-langkah pencegahan bagi mengelakkan peningkatan penularan COVID-19 dan sentiasa berada di bawah lindungan Allah SWT. Semoga semua warga UTHM sentiasa terus cekal dan tabah dalam menjalankan tugas untuk negara demi memastikan keselamatan dan kesejahteraan Universiti Tun Hussein Onn Malaysia sentiasa terpelihara.

Sekian, terima kasih.

**“DENGAN HIKMAH KITA MENEROKA”**

Yang benar,

**YBHG PROF. DATUK TS. DR. WAHID BIN RAZZALY**

Naib Canselor

Universiti Tun Hussein Onn Malaysia

15 April 2020